



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 49. Epistolæ Synodales.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. præcedentibus, ut consensum suum sua manu subscribentes indicent. Legati paratos se ad subscribendum edixerunt, iussit Concilium, ut ipsis Acta offerrentur; itaque omnes tres Depositioni Nestorii subscripserunt. Hic fuit tertiæ Sessionis hujus Concilii exitus.

§. XLIX.

Epistolæ Synodales.

Conc. Ephes. p. 630. **C**oncilium gestorum rationem Imperatori reddidit, data Epistola Synodali, in hæc verba: *Deus, cui tuus pro Religione zelus placet, Episcoporum Occidentis pietatem excitavit, ut Jesum Christum ob illatas injurias ulcisceretur. Quandoquidem, etiamsi per viæ longitudinem omnes ad nos venire prohibiti sint, in Regione sua præsentè Sanctissimo Episcopo Romano Cælestino Concilium egere, nostros de fidei veritate sensus approbaverunt, & aliter credentes a Sacerdotio repulerunt. Jamque antequam hoc Concilium fuisset convocatum, Cælestinus eadem in Epistolis suis judicaverat, datis ad Sanctissimum Episcopum Cyrillum, cui, ut vices suas gereret, mandaverat. Rursumque idem declaravit huic Sancto Concilio Ephesino, missis aliis litteris, quas Episcopi Arcadius, & Projectus, & Presbyter Philippus attulerunt. Hi ubi advenērunt, quid totum Occidentis Concilium*
sense-

senferit, nos edocuerunt, & datis litteris testimonium perhibuere, illos Patres in materia fidei plenissime nobis consentire.

Sæculum V.
A. C. 431.

Hæc Vestræ Majestati indicamus, ut agnoscat, sententiam, quam modo tulimus, commune totius mundi iudicium esse. Itaque, cum causa, propter quam congregati sumus, feliciter sit expedita, humiliter petimus, ut ad nostra remeare liceat; aliqui ex nobis paupertate premuntur, alios morbus affligit, alios extrema Senectus gravat, diutius extra Patriam morari non possunt, aliquos Episcoporum, Clericorumque mors abstulit. Totus terrarum orbis consentit, paucis hominibus exceptis, quibus amicitia Nestorii Religione potior est. Æquitas postulat, ut Nestorio Successor sufficiatur, nosque in pace de Confirmatione Fidei gaudere, & pro tua Majestate in tranquillitate orare sinamur. Huic Epistolæ S. Cyrillus, & omnes cæteri Episcopi subscripsere.

Concilium ad Clerum quoque, & populum Constantinopolitanum Epistolam dedit; Depositionem Nestorii indicant, hortanturque, ut mittant fervidas ad Deum preces, quibus digni Successoris Electionem impetrent. Huic Epistolæ primus manum apposuit S. Cyrillus, deinde Philippus Presbyter, Papæ Legatus, qui se Presbyterum Ecclesiæ Apostolorum dicit, tum Juvenalis Jero-

p. 634

K 5

soly.

Seculum V.
A. C. 431.

folymitanus, duo Episcopi Legati Arcadius, & Projectus, Firmus Casariensis, Flavianus Philippensis, Memnon Ephesus, Theodotus Ancyranus, Berinianus Bergensis. Postea legitur: *Quamvis Episcopi, qui Nestorium deposuerunt, numero, ultra ducentos, sint, subscriptionem paucorum sufficere credidimus.*

§. L.

S. Cyrilli, & Memnonis querela.

Quinto post tertiam Sessionem die Concilium etiam quartam in Ecclesia sanctæ Mariæ, decimo septimo Kalendas Aug. nempe decima sexta Julii celebravit. S. Cyrilli nomen primo visitur, S. Cœlestini Papæ locum tenentis, tum tres Legati nominantur, primo duo Episcopi, Arcadius, & Projectus, deinde Presbyter Philippus, sequuntur Juvenalis, Memnon, aliique. Ex hac diversitate Ordinis in Sessionibus, & Subscriptionibus apparet, ad hæc Patres scrupulose non attendisse; nec ullam hæc super re litem exortam legimus. In hac Actione, cum de causa S. Cyrilli ageretur, non amplius Petrus Alexandrinus Presbyter Promotoris officio functus est, sed Hesychius Diaconus Jerosolymitanus, qui dixit: *Sanctissimus Archiepiscopus Alexandrinus Cyrillus, & Sanctissimus Episcopus Ephesus Memnon, Libellum*